


M




Eyn Sermon von dem Hochweir-
digen Sacramēt/ des heyligen waren Leichnamß Christi.
Vnd von den Bruderschafften. D. M. L. A.
Anderweyt gecorrigirt.



für die Leuen.

1520



Das heilige barkegramm.

Eyn Sermon von dem Hochwirdigen Sacramēt/des heyligen waren Leychnamß Christi.

Vnd von den Bunderschafften. D. M. L. A.

Anderweyt gecorrigirt.

Umersten. Das heylige Sacrament des Altars/vñ
des heyligē waren leychnāß Christi/hatt auch drey
dingk. die man wissen muß. Das erst ist/das sacra-
ment odder zeychen. Das ander/die bedeutūg des selben sacra-
ments. Das dritte/der glaub/der selben beyden/wie dan yn eynes
yglichen sacrament/diße drey stück seyn müssen. Das sacramēt
muß eußerlich vnd sichtlich seyn/yn eynes leyplichen form oder
gestalt. Die bedeutūg/muß ynerlich vnd geystlich seyn/in dem
geyst des menschen. Der glaub/muß die beyde zusammen zu nutz
vnd yn den prauch bringen.

¶ Zum andern. Das sacrament odder eußerlich zeychen/
steet yn der form vnd gestalt des brots vnd weyns / gleych wey-
die Tauffe/yn dem wasser / so doch/das man des brotis vnd
weyns nieße mit essen vnd trincken/gleych wie man der Tauffe
wasser neußt vnd dieyn senckt odder damit begenßet. Dan das
sacrament oder zeychen muß empfangen oder yhe begerd werde
solles nutz schaffen/ wie woll man izt/ nit beyder gestalt dem
volck alle tag gibt/wie vorzeyten/ist auch nit nott/ so neußet
yhr doch alle tag/die priester schafft/fur dez volck/ vñ ist gnug
das das volck seyn teglich begere/vnd zur zeyt/eyner gestalt so
will die Christenlich Kirch ordenet vnd gibt/empfahe

¶ Zum dritten. Es ist aber bey mir fur gut angesehen/das
die kirch/ yn eynem gemeyn Concilio/ widerumb vorordenete/
das man allen menschen beyder gestalt gebe/ wie den priestern.
Nit daruß/das eyne gestalt nit gnug sey/so doch woll alleyn
des glaubens begirde gnug ist. Als S. Augustin spricht/Was
bereyrist du den bauch vnd die zeen. Glaub nur/so hastu das
sacramēt schon genossen/sondern das es zimlich vñ seyn were
so des sacraments/gestalt vnd forme odder zeychen/nit stück-
lich eyns teyls/sondern ganz geben wurden. gleych wie ich vor
der tauff gesage/das es fuglicher were ynß wasser zu tauchen/

A Renuis. Xvi.

A. 4.

Consultum videtur et Erbesen in Coy Concilio statueret
laicos sub vtraq; specie Comm. in Caudos. etc. R.

Sigum Sacramentum

A Renuis dānam
Prr Bullaz Leo
nis X. vngum

dan da mit begiffen/ vmb der gantz vnd volkōmenheyt willen
des zeychens/ Syntemall/ diß sacrament/ bedeutet eyn gantz vor-
eynung vnd vnuorteylete gemeynschafft der heyligen (wie wyr
hören werden) wilche vbel vnd vnsuglich wirt angetzeygt/ mit
eynem stuch odder teyll des sacraments . Auch ist nit so grose
far/ mit dem Kilch/ als man achtet/ die weyll/ das volck selten
zu dissem sacrament geht/ Sonderlich die weyll Christus/ der
alle zukunfftige far / woll gewist / doch hatt wollen beyde ge-
statteynsetzen/ vor alle seyne Christen/ zu prauchen.

COMMUNIO

Communio

Excommunicatio

Vnus panis . vnu cor-
pus vnus jug . vna
ors ex eod pane
Participatio .

¶ Zum Vierden/ Die Bedeutung oder das werck / disses sa-
craments / ist gemeynschafft aller heyligen / drüb nennet man
es auch mit seynem teglichen namen Synaxis oder Comunio /
das ist/ gemeynschafft/ vnd Comunicare auff latein heyst/ diß
gemeynschafft empfaben/ wilchs wir auff deutsch sagen zum
sacrament gehen/ vñ kñpt daher/ das Christ^{us} mit allen heyligē
ist eyn geystlicher corper/ gleych wie eyner stat volck ein gemeyn
vnd corper ist/ eyn yglicher burger/ des andern glydmas vñ der
gantz stat. Also alle heyligen seyn Christi vnd der Kirchen
glied/ die eyn geystlich ewige gottis stadt ist/ vnd wer/ yn die sel-
ben stadt genōmen wirt/ der heyst/ yn die gemeyne / der heyligen
genōmen/ vnd mit Christus geystlichem corper/ vorleybet vnd
seyn glyd gemacht. Widderumb Excommunicare/ heyst/ von
der gemeyn thun/ vñ eyn glyd von dissem corper/ absondern
vnd das heyst auff deutsch/ yn den ban thun/ doch vnterschied-
lich/ wie ym folgenden sermon von dem ban ich sagen will.
Also ist diß sacrament/ yn brott vnd weyn empfaben/ nit an-
ders/ dan eyn gewis zeychen empfaben/ diser gemeynschafft vñ
eyn leybung mit Christo vnd allen heyligen. Gleych ob man
eynem burger eyn zeychen/ handschrifft / oder sonst eyn losung
gebe/ das er gewis sey/ er soll der stadt burger/ der selben gemeyn
glydmas seyn. Also sagt Sanct Paul^{us} .i. Corinth .v. Wir
seyn alle eyn brott/ vnd eyn corper/ die wir/ von eynem brott vnd
von eynem kilch teyll nehmen.

¶ Zum funfften. Dyse gemeynschafft/ steht darinne
das alle geystlich guter / Christi vñ seiner heyligen/ mit ge-
teyllet vnd gemeyn werden / dem / der dyß sacrament empfehet
widderumb alle leyden vnd sund / auch gemeyn werden / vnd

also liebe gegen liebe anzundet wirt/ vnd voreynigt. Vnd das
 wyr auff der groben synlichen gleychniß bleyben. Wie yn eynem
 statt/ eynem yglichen burger gemeyn wirt / der selben statt/ na-
 men/ eere/ freyhet/ handell/ brauch/ sitten/ hulff/ beystand/ schutz.
 vnd der gleychen. Widderumb/ alle gefar/ fero/ wasser/ feynd/
 sterben/ scheden/ auffsetz/ vnd der gleychen. Dan wer mit ge-
 niessen will/ der muß auch mit gelten/ vnd lieb mit lieb voregley-
 chen. Zye sicht mā/ das/ wer eynem burger leyde thut/ der thut
 der gantzen stad/ vnd allen burgerñ leyde/ wer eynem woll thut
 vordienet von allen andern gunst vnd danck. Also auch/
 ym leyplichen corper/ wie sanct Paulus sagt. i. Corin. xij. da er
 diß sacrament geystlich vorcleret. Die glidmas seyn füreynan-
 der sorgfeltig/ wo eyns leydet/ da leyden die andern alle mit/ wo
 es eynem/ woll gehet/ da frewen sich mit yhm die andern/ so se-
 het wyr. Thut yemant der fuß wee/ ta das cleyne ist z inleyn/ so
 sicht das aug darnach/ greyssen die finger / rumpffet sich das
 angesicht/ vnd der gantz corper böget sich dahyn / vnd haben
 alle zuehun/ mit dem cleynen glydmasleyn/ widderumb/ ware
 man seyn woll/ so thut es allen glidmassen woll. Dife gleych-
 niß muß man woll mercken/ so man diß sacrament vorsteht
 will/ dann die schrifft brauchet der selben vmb der eynfeltigen
 willen.

¶ Zum sechsten. Also yn dißem sacrament/ wirt dem men-
 schen/ eyn gewiß zeychen/ von gott selber geben/ durch den prie-
 ster/ das er mit Christo vñ seynen heyligen/ soll also voreynigt
 vnd alle ding gemeyn seyn/ das Christus leyden vnd leben soll
 seyn eygen seyn/ dartzu aller heyligen leben vñ leyden. Also das
 wer yhm leyde thut/ der thut es Christo vnd allen heyligen/ wie
 er sagt durch den ppheten. Wer euch rüret/ der rüret meyn aug-
 apffel/ widderumb/ wer yhm woll thut/ der thut es Christo vñ
 allen seynen heyligen/ wie er sagt Matt. xxv. Was yhr eynem
 auß meynen geringstē than habt/ das habt yhr mir than. Wid-
 derumb muß der mensch auch lassen yhm gemeyn seyn/ alle bes-
 schwerüg/ vñ vnfall Christi vñ seynen heyligen/ mit yhn gleych
 gelten vnd niessen/ die beyde wollen wir baß betrachten.

¶ Zu siebenden. Tu thut vnß leyde nit eynerley widderpart
 Es ist zu ersten/ die vbrige vnd nachgelassen sund ym fleysch/

2 iiij

Remanens pñm
 post Bapñs:

... contra quatuor ...

nach der Tauff/die neygunz zu zorn/hass/hoffart/ vnd vnkeu-
scheyt 2c. die vns an sicht/die weyll wir leben. Da bedurffen wir
mit alleyn/hulffe der gemeyne vn Christi/dz sie mit vns da wid-
der sechten/sondern auch nott ist/das Christus vnd seyne heyl-
ligen fur vns treten fur gott/das vns die sund nit werde gerech-
net/nach dem gestrengen vireyll gottis. Dumb vns zu stercken
vnd ermannen widder die selben sund/gibt vns gott dyß sacra-
ment als sprech er. Sihe da/dich sichtet manicherley sund an/
nym hyn dyß zeychen/damit ich dir zusage/das die sund/ mit
dich alleyn/sondern meynen sin Christu vn alle seyne heyligen.
yn hymell vnd erden/ansicht. Dumb sey frisch vnd getrost/di
streytist nit alleyn/groß hulff vnd beystand vmb dich ist. Also
spricht der künig David von diesem Brott / das brott stercket
des menschen hertzen. Vnd gibt auch die schrifft an mehr orten
diesem sacrament. die art der sterckung/ als Act. ix. Von sanct
Paulus. Er ist getaufft worden vnd hatt die speyß empfan-
gen/da ist er gesterckt worden. Zum andern sicht vns an/der
böß geyst/an vnterlaß mit vielen sunden vn widderwertigkeiten
zum dritten/die welt/die voller bößheyt ist/die reyztet vnd vor-
uolget/vn ist auff keyner seyten gut. Zu letzt sicht vns an/vnser
eygen böß gewissen von getanen sunden. Item des todts furcht
vn der helle peyn. Wilch alle sampt vns müde vn matt mache.
So wir nit stercke suchen vnd hetten yn dyßer gemeynschafft.
¶ Zum achten. Welcher nu vorzagt ist/den seyn sundlich
gewissen schwecht/odder der todts erschreckt/odder sonst eyn be-
schwerung seyns hertzen hatt. Will er der selben loß seyn/so ge-
he er nur frölich zum sacrament des altars / vnd lege seyn leyd/
yn die gemeyn/vnd such hulffe bey dem ganzen hauffen des gey-
stlichen corpors. Zu gleych als wan eyn burger/auff dem land
eyn schaden odder vnfall/vō seynen seynden/erlitten/seynen radt
herren/vnd mit burger das clagt vn vmb hulff anruffet. Drib
ist yn diesem sacrament / vns geben die vnmeßige gottis gnad
vnd barmhertzikeit/das wir da allen yamer/alle anfechtung/
von vns legen auff die gemeyn / vnd sonderlich auff Christo.
Vnd der mensch frölich sich mag stercken/trosten/vnd also sa-
gen. Hyn ich eyn sunder/hab ich gefallen/trifft mich diß odder
das vngluck/wolan/so gehe ich daher zu sacrament/vn nym

Doc est corpus meum

Stans. Tenore
Mund: nro
Remis consuetudine
Mortis meae


Quis et famulus
sacrament



eyn zeychen von gott/das Christus gerechticheyt/ seyn leben vñ
leyden fur mich steht / mit allen heyligen Engelln vnd seligem
ym hymell/vñ frummen menschen auff erden. Soll ich sterben/
so byn ich nit alleyn ym tod/ leyd ich/ sie leyden mit mir. Es ist
aller meyn vnfall Christo vñ den heyligen gemeyn worden. dar
umb das ich yhier lieb gegen mir eyn gewis zeychen hab. Sich
das ist die frucht vnd prauch dys ses sacraments / davon das
hertz muß frölich vnd starck werden.

¶ Zum neunnden. Wan du also dis sacraments geno sser
hast odder niessen wilt. So mustu widderuß auch mit tragen
der gemeyn vnfall. Wie gesagt ist. Wilch seyn aber die? Christ?
ym hymell/vnd die Engell mit den heyligen/ haben keyn vnfall.
Dan alleyn/ so der warheit vñ gottis wort/nachteyl geschicht
Ja es trifft sie (wie gesagt) alles leyd vñ lieb aller heyligen auff
erden. Da muß nu deyn hertz sich yn die lieb ergeben/vnd lernen.
wie dis sacrament/eyn sacrament der lieb ist/vñ wie dir lieb vñ
beystand geschehn/widderuß lieb vnd beystand ertzeygen Christo
yn seynen durfftigen. Dan hie muß dir leyd seyn alle vnere Chri
sti/ yn seynem heyligen wort/ alle elend der Christenheit/ alle vn
recht leyden der vnschuldigen/des alles zumall/vbirschwenc
lich vill ist an allen ortern der welt/hie mustu/weren/thun/bit
ten/vnd so du nit mehr kanst/hertzlich mit leyden haben. Sich
das heyst dan widderumb tragen/Christus vnd seynere heilige
vnfall/vnd widderwerticheit/ da geht dan der spruch Pauli.
Eynere trag des andern pürden/ so erfullet yhi Christus gepott.
Sibe so tregstu sie alle/ so tragen sie dich wider alle/ vñ seynd
alle ding gemeyn/gutt vnd böse. Da werden alle ding leychte.
vnd mag der böse geyst widder die gemeyn nicht bestehn. Also
do Christ? das sacrament eyngeset. Spracher/das ist meyn
leyb der fur euch geben wyrdt / das ist meyn blutt das fur euch
vorgossen wirt/so offit yhi das thut/so gedencft meyn da bey
als sprecher/ich bin das heupt/ich wil der erst seyn/ der sich fur
euch gibt/will ewer leyd vnd vnfall mir gemeyn machen/vñ fur
euch tragen/ auff das yhi auch widderuß mir vñ vntereynader
so thut/vnd alles last yn mir vnd mit mir gemeyn seyn/ vnd
laß euch dis sacrament/des allis zu eynes gewissen warzeichen
das yhi meyn nit vorgeset/ sondern euch teglich dran vbet vñ

i Cor ii Mat: 26.

Hoc est corpus
meum quod pro: 

vdmanet/was ich für euch than hab vnd thu/damit yhr euch
stercken muget/vnd auch eyner den andern also trage.

¶ Zum zehenden. Das ist auch eyn vsach/vnd die erst/
warüb dis sacrament wirt vill mall geprauchet/so man doch
die tauff nur eyn mall praucht. Dan die tauff/ ist eyn anheben
vnd eyngang eyns newen leben. In wilchen vbir die mass vill
widderwertickheit/vns anstossen/mit sunden/mit leyden/fremde
vñ eygen/ da ist d teuffell/welt/ eygen fleysch vñ gewissen/wie
gesagt. Die hören nit auff/an vnterlass/vns zu iagen/ vnd treys
ben. Derhalben/wir bedürffen sterck/beystandt/vñ hulff Chri
sti vnd seynes heyligen/wilch vns hyryne wirt zu gesagt/ als
yn eynem gewissen zeychen/ da durch/ wir mit yhnen werden
voreynigt vnd eyngeleybt/vnd alle vnser leyd yn die gemeyn ges
legt. Derhalben geschichts auch/das denen/die nit vnfall ha
ben odder on angist seyn/odder yhr ungluck nit fülen/ dis heyl
lig sacrament/nit nutz ist/odder wenig/dann es nur den geben
ist/die trost vnd sterck bedürffen/die blöd hertzen haben/die er
schrocken gewissen tragen/ die von sunden anfechtung leyden/
odder auch die yn gefallen seyn. Was solt es bey den freyen sich
ern geysten wircken/die seyn nit durffen noch begeren. Dan es
spricht. Die Mutter gottis. Er erfüllet nur die hungerigen/vnd
tröstet die gengist seyn.

¶ Zum elfften. Darumb auff das die Jünger yhe würdig
vnd geschickt wurden/ zu dissem sacrament/macht er sie zu vor
betrübt/ hielt yn für seyn abschied vnd sterben/ daran yhn leyd
vnd wee geschach. Dartzu erschreckt er sie fast/da er sagt. Eyner
vnter yhn wurd yhn vorraten. Da sie so voller betrubniß vñ
angst waren.mit leyd vnd sund der vorreterey bekümmert/wa
ren sie würdig/ vnd gab yhn seynen heyligen Leychnam vñ
sterckt sie widder. Daran er vns leret/das dis sacrament/eyn
sterck vnd trost sey/der/die sund vñ vbell/betruhen vnd engisten
Das auch sanct Augustin spricht. Dife speyß/ sucht nur eyn
hungerige seel/ vnd fleugt nichts so fast/als eyn volle satte seel/
die seyn nit darff. Also mussten die Juden das Osterlamb/mit
bitter lactucken essen/eylend vnd stehend/doryn auch bedeut ist.
Das dis sacrament/begirige durffteige vnd betrubte seelen sucht.
Nu wer yhm will/vnd soll gemeyn machen/Christ' vnd aller
Christen

Baynfruns signum
v. vno cruce h. v. m. s.

Animā vacuā & spūm
rem h. v. v. q. v. v. v. v.

Mat. 26. Luc. 22
Mar. 14 Jo. 13.

Exodi. xii.

Christen vnfall / wer der warheyt bey steen / vnrecht weren / der
vnschuldigen noth / vn̄ aller christen leyden mit tragen / der wirt
vnfall / vnd widderwertigkeit gnug finden / on das yhm selb / die
böß natur / die welt / d̄ teuffel vn̄ sund anlegt teglich. Vn̄ gottis
rad vnd will auch ist / das er vn̄ß mit so uill hunden iagt vnd
treibt / vnd allenthalben bitter lactucken bereydt / das wir nach
dieser stercke / sollen vn̄ß sehnen / vn̄ des heyligen sacraments fro
werden / auff das wir seyn wirdig (das ist) begirig seyn.

¶ Czu zwelfften. Will er es auch darūß vil mall geprauchet
haben / das wir seyn gedencen / vnd seynem exempell nach / vn̄ß
vben yn solcher gemeynschafft. Da wo das exempell / nit mehr
wurdt furgelalten / wurd die gemeynschafft auch bald vorgese-
sen / als wir itzt leyder sehen / das vill Messen gehalten werden /
vnd doch die Christliche gemeynschafft / die da solt geprediget /
geübt / vn̄ ym Christ^o exēpell furgelalten werden / gantz vnter-
geht / so gar / das wir fast nit mehr wissen / wa zu diß sacramēt
diene / vn̄ wie mā seyn prauchen soll. Ja leyder durch die messen
vill mall / die gemeynschafft zustören vnd alles vorkeren. Das
ist schuldt der prediger / die nit / das Euangeliū noch die sacra-
ment predigen / sondern yhie menschen geticht / von manicher-
ley wercken / vnd weysen woll zu leben. Aber vorzeyten vbet
man diß sacrament also woll / vnd lerete dz volck / diße gemeyn
schafft / so woll vorstehen / das sie auch / die euserliche speyß /
vnd gutter zu samen trugen yn die kirch / vnd alda auß teyleten
denē / die dürfftig waren / wie Paulus. i. Cor. xi. schreybt. Daher
noch bliben ist / das wortlein / Collecta / in der Mess / das heyst /
eyn gemeyn samlung / gleych als man eyn gemeyn gelt samlet /
den armen zu geben / da worden auch so uill marterer vnd heyligen /
da waren weniger Messen / vnd vill sterck odder frucht /
der messen. Da nam sich eyn Christen des andern an / stund eyn
dem andern bey / hatt eyn mit dem andern mit leyden / trug eyner
des andern pird vnd vnfall / das ist nu vorplichen vnd seynd
nur vill messen / vnd vill diß sacramentis empfangung / an alle
seyner bedeutung vorstand vnd vbunge.

¶ Czu dreyzehenden. Man findt yhie wol / die gerne wollen
mit niessen / wollen aber nit mit gelten / das ist / sie hören gerne /
das ym dissem sacrament / yhn hulff gemeyn vn̄ beyständ / aller

B

COLLECTA

heyligen/ zu gesagt vnd geben wirt. Aber sie wollen nit widder/
umb auch gemeyn seyn/wollen nit dem armen helfen/die sund
dulden/ fur die elenden sorgen/mit dem leydenden mit leyden/ fur
die andern bitten/ wollen auch nit der warheit beystehn/ der kir-
chen pesserung vnd aller Christen/ mit leyb/ gutt/ vnd ere suchen
vmb forcht/ der welt/ das sie nit vngunst/ schaden/ smach/ oder
den tod leyden müssen/ so doch gott will haben/ das also sie/
vmb der warheit vnd des nechsten willen gedungen werden/ zur
begirde/ solcher grosser gnade vnd sterck diß sacraments. Das
seyn eygenutzige menschen / den dyß sacrament nichts nutz ist/
Gleich als der burger vntreglich ist/ der von der gemeyn/wollt
beholfen/ beschutze/ vnd besceyete seyn / vnd er doch widderumb
der gemeyn/nichts thun noch dienen. Meyn. wir müssen der an-
dern vbell wider vnser lassen seyn/wollen wir das Christ^{us} vnd
seyn heyligen/vnser vbel/sollē yhr lassen sein/so wirt die gemeyn
schafft ganz/vnd geschicht dem sacriēt genug. Dan wo die lieb
nit teglich wechset/vñ den menschen also wädelt/dz er gemeyn
wirt yderman/da ist diß sacriētis frucht vnd bedeutung nicht.

¶ Zu vierzehenden. Solch gemeynschafft zu bedeuten. hat
gott auch solch zeychen dißes sacraments eyngesetzt/die sich al-
lethalben da hyn fügen/vnd mit yhren formen vns zu solcher ge-
meynschafft reytzen vñ bewegen. Dan zu gleich (als auß vielen
kornlein/zusammen gestoßen/das brot gemacht wirt/vñ vieler
kornlein leybeyns brots leyb werden / daryn eyn yglich kornlein
seyn leyb vnd gestalt vorleuret/vnd den gemeynen leyb des brots
an sich nympt. Desselben gleychen auch die weyn kornlyn/mit
vorlust yhrer gestalt/ werden eins gemeyn weyns vñ tranck^s leyb
Also sollen/ vñ seyn wir auch/ so wir diß sacramēt recht prau-
chen/ Christus mit allen heyligen/durch seyne liebe/nympt vn-
ser gestalt an/streyt mit vns wider die sund/tod/vnd alles vbel
dauon wir yn lieb entzundet/nemen seyn gestalt/vorlassen vns
auff seyn gerechtikeyt/leben/vnd selickeit/vnd sein also durch
gemeynschafft seynes guter / vnd vnser gluck^s/eyn kuche/eyn
brott/eyn leyb/eyn tranck/ vnd ist alls gemeyn. ¶ Das ist eyn
gross sacrament/sagt s. Paul^{us}. Das Christus vñ die kirch eyn
fleysch vñ ein gepeyn seynd. Widderüb sollen wir durch die selb
lieb vns auch wandeln vñ vnser lassen seyn aller ander Christē

geprechen vñ yhr gestalt vnd notdurfft an vns nemen/ vnd yhr
lassen sein/ alles was wir gutis vor mugen/ das sie desselben ge-
niessen mugen/ das ist recht gemeynschafft vnd ware bedeutung
dieses sacramtis. Also werden wir ym eynader vorwädelt vñ ge-
meyn durch die liebe/ an wilche keyn wädel nit geschehen mag.

¶ Czu funffzehende. Hatt er diese zwo gestalt/ des brots vñ
weyns/ vorandern eyngesetzt/ weyter anzutzeygen die selbe vorey-
nung vnd gemeynschafft/ die ym diesem sacramt ist/ dan keyn
ynniger tieffer vnzuteyliger voreynigug ist/ vñ die voreynigug
der speyß mit dem der gespeysset wirt. Seyntemal die speyß geht
vnd wirt vorwandelt in die natur/ vnd wirt e in wesen mit dez
gespeyssten. Ander voreynigug/ als durch negel/ leym/ band/ vñ
der gleychen/ machen nit eyn wesen vnzur teylig auß den vor-
eynten dingen. Also auch wir mit Christo/ yn dem sacrament
voreyniget werden vñ mit allen heyligen eyngeleybet/ das er sich
vnser also an nympt/ fur vns thut vnd lest/ also were er/ das
wir seynd/ was vns antrifft/ auch yhn/ vnd mehr dan vns an-
trifft. Widderuß/ wir vns seyn also mugen an nehmen/ als we-
ren wir/ das er ist/ als dan auch endlich geschehen wirt/ dz wir
yhm gleych formig werden/ als s. Joannes sagt. Wir wissen/
wan er wirt offenbart werden/ so werden wir yhm gleych seyn.
So tieff vnd gantz/ ist die gemeynschafft Christi vnd aller heyl-
ligen mit vns. Also sechten yhn an vnser sund. Widderuß/ vnß
Beschirmet seyne gerechticheyt. Dan die voreynigung/ machts
alles gemeyn/ also lang/ bis das er die sund/ yn vns gantz vor-
tilge vnd yhm selbs vns gleych mache/ am Jungsten tage.
Also auch sollen wir yn vnser nehsten vnd sie yn vnß durch
die selben lieb voreynigt werden.

¶ Czu sechzehenden. Vñ das alles/ hatt er diser zwo ge-
stalt/ nit bloß noch ledig eyngesetzt/ sondern seyn warhafftig
natürlich fleisch/ yn dem brot/ vnd seyn natürlich warhafftig
blut yn dem weyn geben/ das er yhe ein volkomens sacramt odder
zeychen gebe. Dan zu gleych als dz brot/ yn seynen warhafftig
natürlichen leychnā/ vnd der weyn/ in seyn natürlich warhaff-
tig Blut vorwandelt wirt/ also warhafftig werden auch wir
in den geystlichen leyp/ das ist yn die gemeynschafft Christi vñ
aller heyligen getzogen vnd vorwandelt/ vnd durch dis sacra-

COMMUNIO
samt Gort

Natürlich
Leiblich
natürlich
Leiblich
Leiblich
Leiblich
Leiblich
Leiblich
Leiblich
Leiblich

ment/in alle tugende vñ gnad Christi vñ seyner heyligen gesetzt
Gleych wie droben gesagt ist/von eynem burger/der yn der stat
vnd gantzen gemeyn/schutz vnd freyheit/wirt gezogen vnd ge-
wandelt. Daruß hatt er auch nit allein eyn gestalt gesetzt/son-
dern vnterscheidlich/seyn fleysch vnter dem brott/seyn blut vnter
dem weyn / an zu zeygen / das nit alleyn seyn leben vnd gute
werck/die er durch das fleysch anzeygt/vñ ym fleysch gethan
hatt/sondern auch seyn leyden vñ marter/die er durch seyn blut
anzeigt/yn wilcher seyn blut vorgossen ist/alles vnser sey/vñ
wir dreyen gezogen/des niessen vnd prauchen mugen.

¶ Zu siebentzehenden. Auß dem allen ist's nu clar/ das dyß
heylig sacrament/sey nit anders/dan eyn gotlich zeychen/das
ryme zu gesagt/geben/vñ zu geeeygent wirt. Christ' alle heyligē
mit allen yhren werckē/ leyden/vordiensten/gnaden vñ guttern
zu trost vnd sterck allen/ die yn engsten vnd betrubniß seyn/ vor-
volget / vom teuffell/sunden/welt/fleysch vnd allem vbell/vnd
das sacrament empfahe/sey nit anders/ dan desselben alls be-
geren vnd glauben festiglich/ es geschee also. Zie kompt/nu
das dritte stück des sacraments/ das ist/ der GLAUBE. Da die
macht an ligt/Dan es ist nit gnug/das man wyffe/was das
sacrament sey vnd bedeute. Es ist nit gnug/ das du wissest/es
sey eyn gemeynschafft vnd gnediger wechsell oder vornischung
vnser sund vnd leyden mit Christus gerechtikeit vnd seyner hey-
ligen. Sondern du müßist seyn auch begere/vñ festiglich glau-
ben/du habst es erlangt. Zie sicht der teuffell vnd dienatur am
meysten/das der glaub nur nit bestehe. Ertlich vben yhre kunst
vnd subtilikeit/trachten wo das brott bleybt/wans in Christi
fleysch vorwandelt wirt/vnd der weyn yn seyn blut. Auch wie
vnter ßo eynem cleynen stück brotts vñ weyns/muge der gantz
Christus/seyn fleysch vnd blut/beschlossen seyn. Da ligt nit an
ob du das nit suchist. Es ist gnug / das du wissest/es sey eyn
gotlich zeychen. Da Christus fleysch vnd blut warhafftig in
nen ist/ wie vnd wo/laß yhm besollen sey.

¶ Zu achtzehenden. Zie sich zu/das du den glauben vbist
vnd sterckist / das / wan du betrubt byst odder dich deyn sund
treiben/ also zum sacrament gehist/odder mess horist/ das du
begereest hertzlich/diß sacraments vnd seyner bedeutig / vnd nit

Textus pars hinc
Sacr̃m̃ti FIDES

Quana Curiositas

etiam in non va
to in non in vñ

fidus hoc forca mero
abrida e confortanda

PARS P
T 1551

dran zweyffelest/ wye das sacrament deuret / so geschech dyr/
Das ist/ das du gewiß seyest/ Christus vnd alle heyligen treten
zu dir/ mit allen yhren tugenden/ leyden vnd gnaden/ mit dyr zu
leben/ thun/ lassen/ leyden vñ sterben/ vñ wollen gantz deyn seyn
alle ding mit dir gemeyn haben / wyrstu dyssen glauben woll
oben vnd stercken / so wirstu empfinden/ wie eyn frölich reych/
hochzeytlich mall vnd woll leben/ dir deyn gott/ auff dem Alt
tar bereyt hatt. Da wirstu vorstehen/ was das groß mal Kü
nigis Assueri bedeut. Da wirstu sehen/ was die hochzeyt ist da
gott/ sein ochsen vñ mastfibe/ abethan hatt/ wie ym Euāgelio
steet/ da wirt deyn hertz recht frey vnd sicher/ starck vnd mutig/
widder alle seynde. Dan wer wolt sich fürchten vor allem
vnfall/ so er gewiß ist/ das Christ^{us} mit allen heyligen bey yhm
sey/ vnd mit yhm alle dingt gemeyn habe/ es sey böß odder gutt
Also lesen wir. Actu. ij. das die Jünger Christi/ dys Brott Bro
chen vnd assen/ mit grossen freuden yhres hertzen. Die weyllt
das werck so groß ist / das die cleyneheit vnser seelen/ nit durfft
begeren/ schweyg dan hoffen odder gewarten. Ist es nott/ vnd
gutt/ das man vill mall zum sacrament gehe/ odder yhe yn der
messe teglich solchen glauben vbe vnd stercke / daran es alles
ligt/ vnd vmb seynen wyllen auch eyn gesetzt ist. Dan wo du
dran zweyffelist/ thustu gott die groste vneere/ vnd achtist yhn
für eynen vntrewen lügner/ kanstu nit glaubē so bitte dir/ wie
droben ym andern Sermon gesagt ist.

¶ Czu neuntzehenden. Darnach sich zu/ das du auch yder
man dich ergebist/ gemeyn zu seyn/ vñ yhe niemāt yn haß odder
zorn absonderst/ dā diß sacrament der gemeynschafft/ lieb vñ
eynigkeit/ mag nit zwittracht vnd vneynigkeit dulden. Du mußt
der andern geprechen vnd durfft dyr zu hertzen lassen gehen/ als
weren sie deyn eygen/ vñ deyn vormugen dar bieten/ als were es
yhr eygen/ gleych wie dir Christus ym sacramēt thut/ Dz heyst
durch lieb yn eynander vorwandelt werden/ auß vielen stücken
eyn brott vnd tranck werden/ seyn gestalt vorlassen/ vnd eyn ge
meyne an nehmen. Da her kompt es das aßtereder/ freuel rich
ter vnd anderer menschen vorechter/ müssen den todt/ am sacra
ment empfaben/ wie s. Paulus. i. Cor. xi. schreybt. Dan sie thun
nit yhrem nechsten / wie sie suchen bey Christo / vnd das sacra

B ij

ASSVERI
Communion
Matt. 22 Luce 14:

Preipine, actus ad
hoc sacramentum. In
india. Disphreniam
aut quātūq; pro
amantibus cordis
triga proximo suū
dponat,

ment auß weyßet. Gommen yhn nichts gutis/haben nit mit leyden mit yhn/ nehmen sich yhr nit an/ woye sie doch wollen von Christo angenomen seyn. Fallen darnach yn die blindheit/das sie nit mehr wissen ynn diesem sacrament zu thun / dan wie sie Christū gegenwertig furchten/ vnd eeren/ mit yren Bettlyn vñ andacht. Wan das geschehen ist/ so achten sie/es sey wol auß gericht/ so doch Christus seynen leyß/darüb geben hatt/das des sacraments bedeutung/ die gemeynschafft vnd der lieb wandel geübt wurde/vnd seynen eygen naturlichen corper geringer achtet/dan seynen geystlichen corper/das ist die gemeynschafft seynner heyligen/yhm auch mehr dran gelegen ist / sonderlich ynn dyßem sacramt/das der glaub seynner vnd der heyligen gemeynschafft wol geübt vnd starck/ yn ons werd/ vnd wir der selben nach/auch vnser gemeynschafft woll vben. Dyse meynung Christi sehen sie nit/vñ geen teglich hyn/ halten vnd hören mess yn yrer andacht / bleyben eynen tag wie den andern. Ja werden teglich erger/vnd fulens nit. Drumb schaw auff/es ist dir mehr not/das du des geystlichen/dan des naturlichen corpors Christi acht habist/vnd nötter/der glaub des geystlichen / dan des naturlichen corpors. Dan der naturlich an dem geystlichen hilfft nichts ynn diesem sacrament/es muß eyn vorwandlung da geschehen vnd geübt werden durch die lieb.

Opus gratū ope opati

¶ Zu zwenzigsten. Es seynd yhr vill/ die dieses wechsels d lieb vnd des glaubens ungeachtet sich darauff vorlassen das die mess/oder das sacrament sey/ als sie sagen. *Opus gratū ope opati*/das ist/eyn solch werck/das von ym selb gott wollgefallet/ob schon die nit gefallen die es thun. Darauff sie dan schliefen/das democh gutt sey vill mess haben/ wie vnwürdiglich sie gehalten werden/ den der schad sey der/ die sie vnwürdig halten od prauchen. Ich laß einet ydermā seynen syn/aber solch sabelē gefallen mir nit. Dan also zu reden/ so ist keyn creatur / noch werck/dz nit vō yhm selbs gott wol gefalle. wie Gen. i. geschriben. Gott hatt alle seyne werck angesehen/vñ haben yhm wol gefallen. Was frucht kömet dauō / so mā brot/weyn/ golt vñ alles gut/vbel braucht/wie wol sie an yn selbs got wolgefalle Ja vordānis folget darnach. Also auch hie/yheedler dz sacrament ist/yhe großer schaden auß seynes mißprauch kömet vbir

die gantzen gemeyn/dan es ist nit vmb seynet willen eyntgesetzt/
das es gott gefalle/sondern vmb vnser willen/dz wir seyn recht
brauchen/den glaubē dran vben/vñ durch dasselb gott gefellig
werden. Es wirckt nichts vberal/wen es alleyn opus opatū ist
dan schaden. Es muß opus opantis werden / gleych wie brot
vñ weyn/wirckt nichts dan schaden / so mā seyn nit braucht/
sie gefallen gott an yhn selb/wie hoch sie mügen. Also ist es nit
gnug/das das sacrament/gemacht werde(dz ist opus opatū)
Es muß auch praucht werden ym glauben(das ist opus ope
rātis. Vnd ist zubeforgen/das mit solchen ferlichen glosen/ des
sacraments crafft vñ tugent/von vns gewand werden/ vñ der
glaub gantz vnter gehe/ durch falsche sicherheyt/des gemachte
sacramentis. Das kompt alls daher/das sie mehr/Christ^{us} nas
turlichen corper ansehen ym dissem sacrament/dan die gemeyn
schafft/den geystlichen corper/Christus am Creutz/war auch.
eyn gemacht werck/das gott woll gefiel/ aber es seyn drob ge
fallen die Juden/Bis auff dissen tag/darüb das sie nit ein prauch
lich werck/im glauben drauß machten. Dürß sich zu/das dz
sacrament dir sey/eyn opus operantis/ das ist eyn prauchlich
werck/vnd gott gefalle/nit vmb seyns wessens willen/sondern
vmb deyns glaubens vñ guten prauchs willen. Das wort got
tis ist auch gott gefellig yn yhm selbs/es ist mir aber schedlich/
wo es gott nit auch yn mir gefellet. Vnd kurz vmb/solch gesch
wetz/opus opatū/opus opantis/sein vorgebene menschē wort
mehr hynderlich dan furderlich. Vnd wer mocht alle grausam
missprauch vnd missglauben erzelen/die yn dissem hochwürdi
gen sacrament teglich sich mehren/deren eins teyls/so geystlich
vnd heylig seynd / das sie nahend eynen Engell mochten vor
furen/kurzlich wilcher do will / dye missprauch erkennen der
sez yhm nur fur/den obgesagten prauch vnd glauben dyßes sa
craments. Nemlich/dz ein betrubt hūgerige seele sol sein/die lieb
hulffe vñ beystand der gantzen gemeyn/Christi vñ aller christē
heit hertzlich bettere/vnd die selben zu erlangen nit zweyffele ym
glauben/darnach sich auch/yn d selben lieb gemeyn mach yder
man/ wer daher nit zeugt vñ ordenet/seyn meß hören oder lesen
vñ sacreñt empfaben/d yret vñ praucht nit seliglich disß sacra
ments. Darüb wirt auch die welt/mit pestilenzten/kriegen/vnd

*Sacramentum
opus operantis.*

*Vergeben manchen
wort.*

ander grewlichen plagen vberfallen/ das wir mit vielen messen
nur mehr vngnad erwecken.

¶ Czu eyn vnd zwentzigisten. Tu mercken wir/ wie nott
dyß sacrament denen sey/ die yn den todt/ odder ander ferlickeyt
leybs vn sell sich geben sollen/ das sie nit alleyn darynne vorlas
sen/ sondern yn der gemeyn Christi/ vnd aller heyligen gesterckt
werden. Daruß Christus auch dasselb yn der letzten nott vnd
ferlickeyt seyner Jünger eynsetzt vnd gab. Die weyll wir dā alle
samt/ teglich vmbgeben mit allen ferlickeyten vnd zu letzt ster
ben müssen. Sollen wir gott dem barmhertzigen/ auß allen cref
ten/ lieblich vnd demutiglichen dancken/ das er vnß/ eyn solch
gnedigs zeychen gibt/ daran er vnß furet vn zeucht (so wir mit
dem glauben daran fest hangen) durch tod vnd alle ferlickeyt/
zu ym selbs zu Christo vnd alle heyligen. Derhalben es auch
nutz vnd nott ist/ das die liebe vnd gemeynschafft Christi vnd
aller heyligen vorborgen vn sichtlich vn geystlich gescheh/ vnd
nur/ eyn leyplich/ sichtlich/ eußerlich zeychen/ derselben vns gebē
werde/ dan wo die selben lieb/ gemeynschafft/ vnd beystand off
entlich were/ wie der menschen zeytlich gemeynschafft/ so wur
den wir da durch nit gesterckt noch geübt/ ynn die vn sichtliche
vn ewigen güter zu trawen/ odder yhr zu begeren/ sondern wur
den vill mehr geübt/ nur ynn zeytlich sichtliche guter zu trawen/
vnd der selben so gar gewonen/ das wir sie nit geren faren lissen
vnd gott nit roeyter folgeten/ dan so fern vns sichtlich vnd be
greifflich dingefurgingen/ da durch wir vorhyndert wurden/
das wir nymmer mehr zu gott kēnen. Dan es muß alles zeyt
lich vn empfindlich ding abfallen/ vn wir yhr gantz entwo
nen/ sollen wir zu gott kēnen. Darumb ist die mess/ vnd dyß sa
crament eyn zeychen / daran wir vns vben / vnd gewonen/ alle
sichtliche lieb/hulff vnd trost/ zuuolassen/ vn yn Christū/ vnd
seyner heyligen vn sichtliche lieb/hulffe/ vnd beystand zuerwegē.
Dan der todt nympt alls sichtlich ding/ vn scheyd vns/ von dē
menschen vn zeytlichen dingen/ so müssen wir da gegen haben
hilff/ der vn sichtlichen vn ewigen/ vn die werdē vns/ im sacrit
vnd zeychen / angeben/ daran wir mit dem glauben/ so lange
hangen/ bis wir sie erlangen auch empfindlich vnd offentlich.
Also ist vns/ das sacrament/ ein furt/ ein bueck/ eyn thür/ eyn
schiff/ vnd

Schiff vnd tragbar/ yn welcher vnd durch wilch wir vō differ
 welt faren / vns ewige leben. Darumb ligt es gar am glauben/
 dā wer nit glaubt/der ist gleych/dem menschen/der vbers was-
 ser faren soll/ vnd so vortzagt ist/das er nit trawet dem schiff/
 vñ muß also bleyben/ vñ nymmer mehr selig werden/die weyll
 er nit auff sitz vñ vber faren will/das macht die synlichkeit/ vñ
 der vngewisse glaub/dem die fart sawt wirt/vber des todts io-
 dan/ vnd der Teuffell auch grausamlich darzu hilfft.

¶ Zu zwey vnd zwentzigsten. Dys ist bedeut vortzeyten
 Josue. iij. Da die kinder von Israel waren durchs rote Meer
 mit trocken fussen gangen/darynne / die Tauff berzeygt wart/
 Gingen sie auch also/durch den Jordan/ aber die priester stū-
 den mit der Arca ym Jordan/ vnd das wasser vnter yhn vō-
 floß/das vber yhn/erhub sich wie ein berg/Darynne/diſſ sacra-
 ment berzeygt ist. Die priester tragen vñ halten die Arca ym io-
 dan/wen sie vns predigen vnd geben/diſſ sacrament/Christum
 vnd aller heyligen gemeynschafft/yn dem sterben/oder ferlichkeit
 so wir dan glauben/so vorgehen die wasser/die vnter vns sein
 dz ist/ die zeytlichen sichtlich ding thun vns nit/sondern flyhen
 vō vns vñ fallē ab. Aber die vber vns seyn erheben sich hoch/dz
 sein die gewolichen stōß vñ bildē /im sterbē/vō yhener welt/die
 erschreckē vns/ als woltē sie vns vberfallē/so wir aber vns nit
 dran keren/vnd mit eynem festen glauben furuber gehen/so kom-
 men wir mit trocken fussen/anschaden/ ynſ ewig leben. Also
 haben wir/ das zweyfuemliche sacriēt seynd/ yn der kirchen
 Die tauff vñ das brott/die tauff furt vns yn eyn new leben auff
 erden/das brott leydet vns durch den todt/ ynſ ewige leben. Vnd
 die zwey seynd bedeut/ durch das rote Meer vnd Jordan/ vnd
 durch die zwey lender yhenst dem iordan vnd disseyt des iordans.
 Driß sprach der herz/ym abent essen. Ich werd diſſ weynſ nit
 mehr dringken/biſſ das ichs new mit euch drinck yn meyns va-
 ters reych/so gar ist dyſſ sacrament gericht vnd geordenet zur
 stercke/widder den todt/vnd zum eyn gang/ ynſ ewig leben.

Zu beschliessen. Ist die frucht diſſes sacraments/gemeyn-
 schafft vnd lieb/da durch wir gesterckt werden/wider todt vñ
 alles vbel. So das die gemeynschafft zweyerley sey/ Eyne/das
 wir Christi vnd aller heyligen genessen. Die andere/ das wir

Sacramentum
 per et natus quoniam
 per lacrimas in mte
 alernam.

Josue. 3

Ab
 Duo prescipua sacramenta
 Eucharistia & Baptisma
 Ab

FRUCTVS SA-
 cramenti Eucharistie
 Communionis & Charitatis

Communis Simp.
 Spiritualis & Interna
 Carnalis & Externa
 Duplex Co-
 munitio

alle Christen menschen/ vnser auch lassen genieffen/war ynn sie
vnd wir mugen / das also / die eygen nutzige liebe seyns selbs
durch diß sacrament auß gerodtet/eyn lasse die gemeyn nutzige
liebe aller menschen/vnd also durch der liebe vorwandlūg/eyn
Brott/eyn tranck/eyn leyp/eyn gemeyn werde / das ist die rechte
Christenliche Bruderliche eynicheyt. Darumb wollen wir nu se-
hen/wie sich die groß gleyssende Bruderschaften/der izt so vil
seynd/hye zu gleychen vnd reymen.

Von den Bruderschaften.

Ezū ersten. Wollen wir die bössen vbung der Bruder-
schaften ansehen. Vnter wilchen ist eyne/ das man eyn fressen
vnd sauffen anricht/lest eyn mess odder etlich halten/darnach
ist der gantz tag vnd nacht/vnd andere tag darzu/dem teuffell
zu eygen geben/da geschicht nit mehr/dan was gott missfelle.
Solch wutende weyß hatt der bösse geyst eyntragen/vnnd lest
es eyn Bruderschaft heysen/so es mehr eyn luderey ist/vñ gantz
eyn Heydenisch/ia eynseruisch wessen. Es were vill besser/ das
keyn Bruderschaft ym der welt were/dan das solcher vnflug ge-
duldet wirt. Es solten weltlich herin vnnd stete/mit der geyst-
licheyt da zu thun/das solchs abehan wurde/dan es geschicht
gott/den heyligen vnd auch allen Christen groß vneere daran/
vnd macht gottis dienst/vnd die feyrtag dem teuffell zu eynem
spott. Dan die heyligen tag soll man mit guten wercken feyren
vnd heyligen/vnnd die Bruderschaft solt auch eyn sunderliche
vorsammlung seyn/guter werck/so ist es worden/eyn gelt samlen
zu Bier. Was soll vnser lieben Frawen / Sanct Annen/sanct
Bastian/odder ander heyligen namen bey deyner Bruderschaft
thun/da nit mehr dā fressen/sauffen/vnmutz gelt vorthun/ple-
ren/schreyen/schwoetzen/tanzen vnd zeyt vorlyren ist. Wan mā
eyne saw zu solcher Bruderschaft patronē setzet/sie wurdes nit
leyden. Warūb vorsuchen wir dan die lieben heyligen/so hoch
das wir yhren namē/zu solchē schäden vñ sunden misprauchē
vnd yhre Bruderschaft/ mit solchen bössen stucken voruneere
vnd lesteren. We denen/die das thun/ vnd zu thun vorhancfen.

hinc Bruderschaft.

¶ Czu andern. So man eyne Bruderschaft wolt halten. solt man zu sammen legen/ vnd ein tische oder zween armer leut speyßen/ vñ den selben dienen lassen/ vmb gottis willen/ solt den tag zuuorin fasten/ vñ den feyrtag nüchter bleyben/ mit beete/ vñ ander gutten wercken die zeyt hyn bingen/ da wurden gott vñ seyne heyligen recht geeret / da wurd auch besserung außfolgen/ vnd gutt exempell den andern geben/ odder solt das gelt / das vorhoffen wirt/ zu sammen legen/ vñ eyn gemeynen scharz sammeln/ eyn yglich handwerck fur sich/ das man yn der nott/ eynem durfftigen/ mithandwergs man/ anzulegen helffen vnd leyhen kundt/ oder eyn iung par volcks desselben handwergs/ vñ dem selben gemeynen scharz / mit eeren auß setzen/ das weren rechte Bruderliche werck/ die gott vñ seynen heyligen/ die Bruderschaft. angemen machen/ da bey sie gerne patronen seyn wurden. Wo sie aber das nit thun wollen/ vnd der alten laruen nach folgen. Vomane ich doch / das sie solchs nit thun auff der heyligen fest/ auch nit vnter yhrem odder der Bruderschaft namen. Mā neme eynen andern wercke tag vñ laß der heyligen/ vñ yhres Bruderschaft namen mit friden/ auff das sie nit ein mal zeychē/ Wie woll keyn tag an vncere mit solches weßen wirt zu pracht soll doch d fest/ vñ heyligen namen mehr vorshonet werdē/ dā solche Bruderschafte/ lassen sich der heyligen Bruderschaft nennen/ vnd treyben des Teuffels werck darunder.

¶ Czu dritten. Ist eyn andere böße gewöheyt in den Bruderschaften/ vñ ist eyne geystliche bößheit/ eyn falsche meynüg/ die ist/ dz sie meynen/ yhre Bruderschaft soll niemāt zu gute kumen/ dā alleyn yhn selbs/ die yn yhierzal vñ register seyn vorzeychnet/ odder dartzu geben. Dis vordapte böße meynüg/ ist noch erger/ dan die erste bößheit/ vnd ist eyn vsach/ waruß gott vorhengt. dz auß den Bruderschaften ein solcher gottis spott/ vñ lesterüg wirt/ mit fressen vñ sauffen vñ des gleychen. Dā darynne lernen sie sich selb suchen/ sich selb lieben/ sich allein mit trewen meynen. der ander nit achten/ sich etwas bessers dücken/ vñ mehr forteyl bey gott/ vor den andern vormessen. Vñ also geht vnter/ die gemeynschaft d heyligen/ die Christliche liebe/ vñ die grütlich Bruderschaft / die ynn dem heyligen sacrament eyngesetzt ist/ also wechßet in yhn eigenutzige liebe/ dz ist nit anders / dā dz mā mit

C ij.

den selben vielen eufferlichen wercklichen Bruderschaften/ strebt
vñ störet wider die eynige/ ymmerliche/ geystliche/ wesentlichen/ ge-
meyn aller heyligen Bruderschaft. Wan dan gott sieht/ dz vor-
kerete wesen/ so vorkeret er es auch widerüb/ als ym. 17. psal.
stet. Mit den vorkeretē vorkerestu dich/ vñ schickt es also/ dz sie
sich/ mit yhzer Bruderschaften selbst zu spott vñ schanden ma-
chen/ vñ von der gemeynen Bruderschaft der heyligen/ & sie wid
streben/ vnd nit mit yr yn gemeyn wircken / vorstoßet/ yn yhre
fressige/ seufferliche/ vnzuchtig Bruderschaft/ auff das sie das
yhre sünden/ die nit mehr/ dan das yhre gesuch vñ gemeynet ha-
ben/ vnd dennoch sie vorblendet / das sie solchem vnlust vnd
schande nit erkennen / vnter der heyligen namen solchen vnfüg
schmucken/ als sey es wol gethan. Ober dasselb etlich so tieff
yn abgrund lest fallen/ das sie öffentlich rümen vnd sagen/ wel-
cher yn yhzer Bruderschaft sey/ müg nit verdampft werden/ ge-
rad als were/ die tauff vñ sacrament von gott selbst eyn gesetzt/
geringer vnd vngewisser/ dan das sie auß yhren blinden kopfen
erdacht haben. Also soll gott/ schenden vnd blenden/ die seyne
fest/ seyner namen / seyner heyligen / mit nachteyll der gemeynen
Christlichen Bruderschaft/ die auß Christi wunden geflossen ist
schmehen vnd lestern / mit yhrem dollen wesen/ vnd serwschen
prauch yhzer Bruderschaften.

¶ Czu vierden. Darüb eyner rechten vorstand vnd prauch
zu lernen der Bruderschaften. Soll man wissen / vnd erkennen
den rechten vnterscheyd der Bruderschaften. Die erste/ ist die gott-
liche/ die hymelische/ die aller edlste/ die alle ander vber tritt/ wie
das golt/ vber tritt/ kupffer odder bley/ die gemeynschafft aller
heyligen/ dauon droben gesagt ist/ yn wilcher wir alle sampte/
brüder vnd schwester seyn/ so nah/ das nymer mehr/ keyn neher
mag erdacht werden/ dan da ist/ eyn tauff/ eyn Christus/ eyn sa-
crament/ eyn speys/ eyn Euāgelium/ ein glaub/ eyn geyst/ eyn geyst-
licher corper/ vñ eyn yglich des andern gliedmaß/ Keyn ander
Bruderschaft/ ist so tieff/ vñ nah/ Dan naturlich Bruderschaft
ist woll/ eyn fleysch vnd blut/ eyn erbe vnd eyn hauß / aber muß
sich doch teylen vnd mengen/ yn ander geblid vñ erbe. Die pars-
teysche Bruderschaften/ die haben wol ein register/ ein meß/ einer
ley gutwerck/ ein zeyt/ ein gelt/ vñ als nu geht/ ein bier/ ein freffen

welcher Bruderschaft
der Bruderschaft

1


vnd eyn sauffen. Vnd reycht keyne nit so tieff/ dz sie eynen geyst
make/dan den macht Christus bruderschaft alleyn/darumb
auch/so sie grösser/gemeyner vnd weyter ist / yhe besser sie ist.
Sollen nu alle andere bruderschaft/ so geordenet seyn/ das sie
die erste vnd edliste/stett voraugen haben/die selben allein groß
achten/vnd mit allen yhren wercken/nichts eygens suchen/son-
dern vmb gottris willen die selben thun/ gott zu erbitten/ das er
die selben Christenliche gemeynschaft vñ bruderschaft/erhalte
vnd besser von tag zu tage. Also wo eyn bruderschaft sich
erhebt/sollen sie sich also lassen ansehen/dz die selben fur andere
menschen erauß springen/fur die Christenheit/mit Betten/Sa-
sten/Almosen/guten wercken/ etwas besonders zu thun / nit
yhren nutz noch lohn suchen/auch niemant außschlahen/son-
dern wie freye diener/der ganzen gemeyn der Christenheit zu die-
nen. Wo solch rechte meynüg were/da wurd gott auch widder
umb rechte ordenüg geben/das die bruderschaften nit mit schle-
mercy/zu schanden wurden. Da wurd gebenedeyüg folgen/das
mā eynen gemeynen schatz mocht sammeln/damit auch euserlich
andern menschen geholffen wurd. Dan gynge geystlich vnd
leylich werck der bruderschaften yn yhren rechten orden. Vnd
wilcher diser ordenüg yn seyner gemeynschaft/nit will folgen.
dem rad ich/er spring erauß/ vnd laß die bruderschaft ansteen/
sie wirt yhm an leyb vnd seel schaden.

Szo du aber sprichst/ soll ich nit etwas besonders yn der
bruderschaft vberkumen / was hilfft sie dā mich? Antwort. ia
wan du etwas besonders suchist/ was hilfft dich dan auch/
die bruderschaft odder schwesterschaft da zu? Diene du der
gemeyne vñ andern menschen damit/wie die art der liebe pflegt
so wirt sich deyn lohn fur die selben liebe/woll finden/an deyn
suchen vnd begirde. Szo aber dir der liebe dienst vñ lohn geringe
ist/so ist es eyn zeychen/das du eyn vorkerete bruderschaft ha-
bist. Die liebe dienet frey vmbsunst/diñß gibst yhr auch gott wid-
deruß/frey vmbsunst/alles gutt. Die weyll dan alle ding yn der
liebe müssen geschehen/sollen sie anders gott gefallen/ so muß
die bruderschaft auch yn der liebe seyn. Was aber yn der liebe
geschicht/des art ist/das nit sucht das seyne/ noch seynen nutz/
sondern der andern/vnd zuuor der gemeyne.

¶ Czu funffcen. Widder auff das sacrament zu kumen. Die weyll dan igt / die Christliche gemeynschafft also vbell stett / als noch nie gestanden ist / vn̄ teglich mehr vnd mehr abnympt yn den obersten am aller meysten / vnd alle orter voll sund vnd schanden seynd / soltu mit das ansehen / wie vill messen gescheen / odder wie offft das sacrament wirt gehandelt. Dan dauo wirt es ehe erger dan besser / sondern wie vill du vnd andere zu nehmen / yn der bedeutung vnd glauben dieses sacraments / darinne die besserung gar ligt. Vnd yhe mehr du dich befindest / das du in Christ? vn̄ seyner heyligen gemeynschafft eyngeleybet wirst / yhe besser du stehest / dz ist / so du befindest / das du starck wirst yn der zuvorsicht Christi vn̄ seyner lieben heyligen / das du gewis seyest / sie lieben dich / vnd stehn bey dyr yn allen noten / des lebens vnd sterbens. Vnd widderumb / das dyr zu hertzen gehe aller Christen vnd der gantzen gemeyn abnemen odder fall / yn eynem yglichen Christen / vnd deyn lieb eynem yglichen gemeyn werde / vnd woltist ydermā gerne helfen / niemant hassen / mit allen mit leyden vnd fur sie bitten. Sich so geht des sacraments werck recht / so wirstu gar vill mal weynen / clagen vn̄ trawren fur den elenden stand der heutigen Christenheyt. Sindestu dich aber solcher zuvorsicht nit zu Christo vn̄ seyner heyligen / vnd dich die notedurfft der Christenheyt / vn̄ eyns yglichen nachsten nit ansicht noch bewegt / so hutt dich fur allen andern guten wercken / do du sunst meynst frum zu seyn vnd selig zu werden. Es werden gewislich lauter gleyssen scheyn vnd triegerey seyn / dan sie seyn an liebe vnd gemeynschafft / an wilche nichts guts ist / dan Summa summarū / plenitudo legis est dilectio // die lieb erfullet alle gepott. **A M E N.**

¶ Es seyn ettlich / die disen Sermon / on alle nott / fur wor-
ffen haben / drumß das ich ym dritten Artickell gesagt hab. Es
dunckt mich seyn / wo ein Christlich Conciliū vorordenete / bey-
de gestalt / yderman zu geben. Haben auch das manll so
weyt auffthan / das sie sagen. Es sey eyn yrthum vnd ergerlich.
Das erbarm gott ym hymell / das wir die zeyt erlebt / da Christ^{us}
der edle Herz vnd Gott / von seynem eygen volck so offentlich /
geschmecht vnd gelestert wirt / das seyn ordenung / eyn yrthum
gescholten wirt. Es ware gnug gewesen / das man es ließ
bleyben eyn zugelassen ordenung / vnd so man yhe keyn gepott
drauß machen wolt / das es doch auch nit fur ein vortpot oder
yrthum gehalten wurd. Doch pitt ich / sie wolten den ander
vñ dritten Artickell recht ansehen / darynn ich klar gesagt / es sey
eyne gestalt gnug. Ich hab auch erfahren / das meyne
schriffte werden nur von denen vorworffen / die sie nie gelessen
noch lesen wollen / den selben laß ich meynen gruß sagen /
vnd thu yhn wissen / das ich yhr blind freuell vrtell nit achte /
Vnd nit gesynnet byn zu leyden / das sie mir / meynen herren Chri-
stum so frech / eynen yrigen / ergerlichen / auffrurischen meyster /
vordammen vñnd lestern / die weyll mir Gott das leben lessit /
darnach sie sich mugen richten.

¶ Gedruckt zu Wittenbergk durch Johannem Gruners
bergk / Nach Christ gepurt Tausent funffhundert
vnd Zwenzigsten iar.




Jb 3942

ULB Halle 3
003 347 362




85





Eyn Sermon von dem Hochwirdigen Sacramēt/des heyligen waren Leychnamß Christi. Vnd von den Bruderschafften. D. M. L. A. Anderweyt gecorrigirt.



Fur die Leyen.

1520

